

KROZ SRCE NAJMOĆNIJE AZIJSKE PRIČE

Šangaj- Xitang- Hangzhou- Xiamen- Guangzhou- Zhuhai-
Macau- Hong Kong

- kroz drevne legende, zagonetne hramove, tajne svile, šapat zmajeva i



svjetleće metropole Istoka – 22.11.2026- 05.12.2026.

...Doživite nezaboravne avanture kroz najzbudljivije gradove Kine. Od futurističkog Šangaja i romantičnog Hangzhoua, preko obalnog Xiamena i šarmantnog Makaa, pa sve do dinamičnog Hong Konga – svaka stanica otkriva novu priču, spoj tradicije i modernog sjaja. Putovanje koje spaja hramove, kolonijalne trgove, nebodere i mostove u jedinstvenu odiseju Istoka....

Cijena aranžmana: 5.899,00 KM

CIJENA ARANŽMANA UKLJUČUJE:

- Avio karta Sarajevo-Šangaj // Hong Kong-Sarajevo, sa svim uključenim aerodromskim taksama
- Smještaj u hotelu 4* u Šangaju, na bazi 3 noćenja sa doručkom
- Smještaj u hotelu 4* u Hangzhou na bazi 1 noćenja sa doručkom
- Smještaj u hotelu 4* u Xiamen-u na bazi 2 noćenja sa doručkom
- Smještaj u hotelu 4* u Guangzhou na bazi 1 noćenja sa doručkom
- Smještaj u hotelu 4* u Macau na bazi 2 noćenja sa doručkom
- Smještaj u hotelu 4* u Hong Kong-u na bazi 2 noćenja sa doručkom
- Večere ili ručkovi tokom putovanja u lokalnim restoranima, osim 03.12.26.
- Transfer aerodrom-hotel u Šangaju i hotel-aerodrom u Hong Kong-u
- Transfer ultra brzim vozom Hangzhou-Xiamen / Xiamen-Guangzhou / Guangzhou-Zhuhai
- Svi obilasci prema programu
- Usluge lokalnog vodiča na engleskom jeziku
- Asistencija predstavnika agencije – pratioca putovanja
- Napojnice za vodiča i vozača

CIJENA ARANŽMANA NE UKLJUČUJE

- Putno-zdravstveno osiguranje za osobe do 60 godina - 24,00 KM; za osobe od 60 - 70 godina – 48,00 KM; za osobe od 70-80 godina 60,00 KM – (obavezno)
- Osiguranje od otkaza putovanja 170,00 KM - Osigurana suma 5.000 KM – uz obavezno putno zdravstveno osiguranje
- Doplata za jednokrevetnu sobu 1.250,00 KM
- Individualni troškovi
- Fakultativni izlet : Acrobatic show 100,00 KM
- Fakultativni izlet : Noćno krstarenje rijekom Huangpu 80,00 KM
- Ulaznice u objekte 275,00 KM (plaćaju se u agenciji)

Kalkulacija radena na 15 uplata. U slučaju manjeg broja prijavljenih cijena aranžmana se uvećava za 200 eur

PROGRAM PUTOVANJA:



1-2 DAN (22 / 23.11.2026.)

SARAJEVO – ISTANBUL - ŠANGAJ

Sastanak putnika na aerodromu u Sarajevu 2 sata prije leta. Podjela dokumenata te prijava na let TK 1026. Planirani let za Šangaj preko Istanbula je u 20:40 h. Dolazak u Istanbul 23:40 h. Nastavak leta za Šangaj je u 01:40 h po lokalnom vremenu. Dolazak u Šangaj u 17:10 h po lokalnom vremenu.

Dobro došli u **Narodnu Republiku Kinu** 欢迎中华人民共和国. Nakon pasoške i carinske kontrole, transfer na večeru. Poslije večere vožnja do hotela i prijava. **Noćenje.**

3 DAN (24.11.2026)

ŠANGAJ

Doručak. Nakon doručka krećemo u obilazak nekadašnje **Francuske koncesije i Fuxing parka**, gdje se lokalni stanovnici okupljaju na jutarnje vježbe i druženje. Posjetit ćemo **centar svile**, gdje ćete imati priliku vidjeti proces proizvodnje i saznati više o jednom od najpoznatijih tradicionalnih kineskih proizvoda. U poslijepodnevnom satima slijedi obilazak **Yu vrta i obližnje tržnice**, a zatim odlazak na **Bund** – poznatu šetnicu uz obalu Huangpu rijeke, gdje se susreću moderni neboderi i impozantne građevine iz kolonijalnog perioda. Obilazak završavamo šetnjom **Nanjing Road-om**, najpoznatijom šoping ulicom u Kini, koja vrvi životom i trgovinama svih vrsta. Večera u lokalnom restoranu. Fakultativno odlazak na akrobatski show. Po završetku acrobatic show-a odlazak na večeru u lokalni restoran. Povratak u hotel. **Noćenje.**

4 DAN (25.11.2026)

ŠANGAJ

Doručak. Nakon doručka odlazimo u **Propaganda Poster Art Center**, jedinstveni muzej u kojem su izloženi propagandni plakati iz 1950-ih do 1970-ih godina, posebno iz perioda Kulturne revolucije. Ovi vizuelni artefakti pružaju fascinantan uvid u ideologiju i umjetnički stil tog vremena, te predstavljaju rijetku priliku da se osjeti duh jedne epohe kroz snažnu vizuelnu poruku. Zatim posjećujemo **Tianzifang**, živopisni kvart ispunjen malim radnjama, galerijama i restoranima. Ovdje možete pronaći odjeću, suvenire, umjetničke predmete ili jednostavno uživati u kafi dok posmatrate lokalnu atmosferu. Uske uličice, zidovi prekriveni muralima i kreativna energija čine Tianzifang jednim od najpopularnijih mjesta u Šangaju. U poslijepodnevnom satima odlazimo do **Jinmao Tower-a**, jedne od najpoznatijih zgrada u gradu. Sa vidikovca na vrhu pruža se spektakularan panoramski pogled na Šangaj – beskrajno more nebodera, rijeka **Huangpu** i futuristički pejzaž Pudonga. Nakon toga šetnja preko **Lujiazui** kružnog pješačkog mosta, idealnog mjesta za fotografisanje modernog poslovnog centra Šangaja, gdje se impresivne staklene fasade i svjetlosne instalacije stapaju u savremeni urbani mozaik. Ako vrijeme dozvoli, posjetit ćemo i lokalnu pijacu, živopisno mjesto gdje se prodaje raznovrsna roba – od odjeće i torbi do sitnih suvenira i egzotičnih začina. Ovdje se može osjetiti puls svakodnevnog života Šangaja, daleko od glamura nebodera. Večera u lokalnom restoranu. Fakultativno krstarenjem rijekom **Huangpu**. Povratak u hotel. **Noćenje.**



5 DAN (26.11.2026)

ŠANGAJ – XITANG

– HANGZHOU

Doručak. Nakon doručka odjava iz hotela. Dan započinjemo vožnjom prema **Xitang Ancient Town-u**, jednom od najljepših drevnih vodenih gradova Kine, poznatom po svojim slikovitim kanalima, kamenim mostovima i tradicionalnim kućama. Ovaj gradić je poslužio i kao filmska kulisa za holivudski blockbuster **Mission: Impossible III (2006)**. Šetnja uz **Yanyu Corridor**, natkriveni hodnik dug više od 1000 metara, pruža jedinstven doživljaj mirne atmosfere uz rijeku. Nastavljamo preko **Yongning mosta**, gdje se refleksija kamenih lukova u vodi stapa s pejzažom i stvara prizor kao iz bajke. Nakon obilaska slijedi vožnja prema **Hangzhou**, gradu koji je vijekovima inspirisao pjesnike i slikare. Posjetit ćemo **plantažu čaja Dragon Well**, jednu od najpoznatijih mjesta za uzgoj čaja u Kini, tu ćete vidjeti proces proizvodnje i probati svježe pripremljen zeleni čaj. Dalje nastavljamo šetnjom **Qinghefang ulicom**, živopisnim starim kvartom ispunjenim radnjama, restoranima i tradicionalnim zanatima. Naš obilazak završavamo posjetom **Hu Qingyu Tang**, muzeju posvećenom kineskoj tradicionalnoj medicini, gdje ćete saznati više o hiljadugodišnjim terapijama i ljekovitim biljkama koje su oblikovale kinesku kulturu zdravlja. Večera u jednom od lokalnih restorana. Nakon večere vožnja do hotela. Prijava u hotel. **Noćenje.**



6 DAN (27.11.2026)

HANGZHOU – XIAMEN (brzi voz G257 12:48/17:03)

Doručak. Nakon doručka odjava iz hotela. Dan započinjemo vožnjom čamcem po **West Lake-u**, legendarnom jezeru koje je **UNESCO** proglasio svjetskom baštinom. Njegovi mirni pejzaži, pagode i mostovi okruženi vrbama stvaraju prizor koji je vijekovima bio motiv kineske poezije i slikarstva. Nakon uživanja u ovom idiličnom ambijentu, transfer do željezničke stanice i vožnja brzim vozom prema Xiamenu. Po dolasku večera u lokalnom restoranu. Transfer do hotela. Prijava u hotel. **Noćenje.**

7 DAN (28.11.2026)**XIAMEN – NANJING COUNTY – XIAMEN**

Doručak. Nakon doručka vožnja (cca 3h) prema **Nanjing County-u**, gdje se nalaze čuveni **Tianluokeng Earth Towers (Tulou)**. Ove monumentalne kružne građevine, koje su **Hakka** ljudi gradili kao zajedničke rezidencije, danas su pod zaštitom **UNESCO-a**. Njihova jedinstvena arhitektura, s centralnim dvorištem i višespratnim zidovima, svjedoči o posebnom načinu života i zajedništvu. Posjetit ćemo i **Yuchang Earth Tower**, poznat po svojoj neobičnoj konstrukciji koja se blago naginje, ali i dalje stoji čvrsto stoljećima. Nakon toga odlazimo u **Taxia Village**, slikovito selo smješteno uz rijeku, gdje ćete moći osjetiti svakodnevni život lokalnog stanovništva i njihove običaje.. Povratak u Xiamen u večernjim satima. Večera u lokalnom restoranu. Povratak u hotel. **Noćenje.**

**8 DAN (29.11.2026)****XIAMEN – GUANGZHOU (brzi voz G3047 14:00/17:35)**

Doručak. Nakon doručka odjava iz hotela. Krećemo u obilazak **Gulangyu Island-u**, otoku poznatom po kolonijalnoj arhitekturi, romantičnim uličicama i pješčanim plažama. Posebno ćemo obići **Shuzhuang Garden**, vrt koji spaja prirodne ljepote s umjetničkim pejzažnim dizajnom, te **Hai Tian Tang Gou Mansion**, elegantnu vilu koja otkriva duh prošlih vremena. Gulangyu je 2017. godine uvršten na **UNESCO** listu svjetske baštine.

U poslijepodnevnom satima transfer do željezničke stanice i vožnja brzim vozom do Guangzhoua. Po dolasku večera u lokalnom restoranu, transfer do hotela, smještaj. **Noćenje.**

**9 DAN (30.11.2026)****GUANGZHOU – ZHUHAI – MACAU**

Doručak. Nakon doručka odjava iz hotela. Vozimo se prema **Shamian Island**, mirnu četvrt uz rijeku **Pearl**, gdje se nalaze očuvane zgrade u evropskom stilu. Šetnja ovim kvartom pruža osjećaj povratka u kolonijalno doba. Slijedi posjet **Chen Clan Ancestral Hall-u**, veličanstvenom kompleksu koji danas čuva **Guangdong Folk Art Museum**, s bogatom kolekcijom umjetničkih djela južne Kine. Nakon ručka s dim sum specijalitetima, odlazimo do **Huacheng Square-a**, modernog centra Guangzhoua, zatim šetnja preko **Haixin mosta** i posjet **Haixin Sha Parku**, mjestu gdje je održana ceremonija otvaranja Azijskih igara 2010. godine. Poseban doživljaj je vožnja futurističkim autobusom bez vozača. U večernjim satima vožnja vozom do **Zhuhai-a**, prelazak granice na **Gongbei Portu** i **ulazak u Macau**. Po dolasku, smještaj u hotel. **Noćenje.**

10 DAN (01.12.2026)**MACAU**

Doručak. Dan započinjemo posjetom **A-Ma hramu**, jednom od najstarijih svetišta u Macau, zatim nastavljamo obilaskom ruševina **crkve sv. Pavla** – impresivnog zdanju koje je ostalo nakon požara i danas predstavlja simbol grada. Nastavljamo usponom na **Mount Fortress** odakle se pruža panoramski pogled na Macau, dok sa druge strane **Penha Hill** otkriva mirnu atmosferu i sakralnu arhitekturu. Odlazimo do statue **Zlatne boginje milosrđa**, monumentalnog spomenika koji simbolizira mir i blagostanje. **Ručak** u portugalskom stilu donosi spoj evropske i azijske kuhinje. Nakon toga šetnja kroz živopisnu **snack ulicu** i **Senado Square**, srce starog grada. Dan završavamo kratkom posjetom jednom od poznatih casina. Povratak u hotel. **Noćenje.**

**11 DAN (02.12.2026)****MACAU – HONG KONG**

Doručak. Nakon doručka odjava iz hotela. Vozimo se autobusom preko impresivnog mosta **Hong Kong–Zhuhai–Macau**, najdužeg mosta preko mora na svijetu. Po dolasku u Hong Kong, smještaj u hotel. Ostatak dana slobodno vrijeme za vlastite aktivnosti. Večera. **Noćenje.**

12 DAN (03.12.2026)**HONG KONG**

Doručak. Dan predviđen za samostalno istraživanje **Hong Konga**. **Noćenje.**

13 DAN (04.12.2026)**HONG KONG - ISTANBUL**

Doručak. Nakon doručka odjava iz hotela. Slijedi obilazak **Hong Konga**: uspon na **Victoria Peak** s nezaboravnim pogledom na zaljev i nebudere, posjet **Repulse Bay-u**, jednoj od najljepših plaža u gradu, te ribarskom naselju **Aberdeen Harbour**. Šetnja kroz **Stanley Market** pruža priliku za kupovinu suvenira, dok vožnja **Star Ferry-em** otkriva jedinstven doživljaj plovidbe između **otoka i Kowloona**. Dan završavamo laganom šetnjom kroz živopisne ulice **Kowloona**. Nakon obilaska odlazak na večeru u jedan od lokalnih restorana. U dogovoreno vrijeme transfer na aerodrom. Prijava na let TK 071 Hong Kong – Istanbul. Polijetanje predviđeno u 23:20h.

14 DAN (05.12.2026)**ISTANBUL - SARAJEVO**

Po dolasku u Istanbul slijedi nastavak leta za Sarajevo TK1021. Slijetanje predviđeno u 14:40h. Kraj usluge.

ZANIMLJIVOSTI:

Glavni grad: Peking (Beijing). Iako je Šangaj veći i moderniji,

Valuta: Renminbi (RMB), a osnovna jedinica je **Yuan (CNY)**

Jezik: Službeni je **mandarinski kineski**.

Vremenska zona: Cijela Kina koristi **istu vremensku zonu** (UTC+8), iako je zemlja ogromna. To znači da na zapadu Kine sunce nekad izlazi tek u 10 ujutro!

Struja: Koriste više vrsta utičnica, ali najčešće su one s dvije ravne igle (kao u SAD-u) ili tri (kao u Australiji). Ponesite **univerzalni adapter**.

Vozovi "metci": Kina ima najbrže vozove na svijetu koji idu i do 350 km/h. Između Pekinga i Šangaja (oko 1300 km) stignete za manje od 5 sati.

Pande su svetinja: Sve pande na svijetu su zapravo u vlasništvu Kine i "posuđuju" se drugim zemljama. Ako se rodi beba panda u nekom stranom ZOO vrtu, ona po zakonu pripada Kini.

Kinezi su apsolutni rekorderi u gradnji. Imaju najduži most preko mora na svijetu (55 km, povezuje Hong Kong i Macau) i najviše mostove koji izgledaju kao da lebde u oblacima.

